

تاریخ وادست
 حامد ۱۳۳۶

ملك وملتہ نافع ، تاریخ ، ادبیات ، فنون ، اقتصادیات و شئون سائرہ متعلق
مباحث مفیدہ بی حاوی مجموعہ شہرہ در

فخرالمحدرات مرحومہ و مغفورہ عادلہ سلطان حضر تارینک (افتراقامہ)
عنوانی منظومہ غرالریدر

اویلہ مایوسم کہ مثل کورما مشدر بوجہان
 والدہم جانم ایدی ہم والدہم محمود خان
 قالدہم آناردن صبی ناتوان ایکن یتیم
 آجدی قلب وسینہمہ فرقتلری زخم عظیم
 دادرہم جنتمکان عبدالمجید ایدی جلوس
 سایہ شاعانہ سندنہ اولمش ایدم نوعروس
 کجدی ایام فراغ خاطر ایلہ برزمان
 ظن ایدردم اول دم مسعودی بکا جاودان
 عکسنہ دور ایدی صکرہ اشبو چرخ بی وفا
 حضرت عبدالمجید خان ایلدی عزم بقا
 چون بکا اولمش ایدی ہم شاہ و ہم یار ونصیر
 ہم برادر ہم پدر ہم والدہ ہم دستگیر
 بشقہ برآجیدہ کوستردی بکا ظالم فلک
 یعنی کیم زوجہ علی پاشادہ کیتدی عدنہ دک [۱]

یادکاری فالش ابدی خیریه سلطان بکا
 قلب محزونم آنکله اکلتوردی دائماً
 نور چشممدی سرور قلب ویرانم ایدی
 محمد و یار شفیقم سینهدده جانم ایدی
 حسنی خلقی وئش جمیل و پک کوزل ایدی قزم
 خیره مائل مرحتاو بی بدل ایدی قزم
 آه کیم اول نوجوان و کلفدانم ناکهان
 اوغرادى بردرده اصلا بولدی چاره امان
 بلبل روح لطیفی اوچدی باغ جنته [۱]
 مادريله زوجنی یاندردی نار فرقته
 یاره لشمش درتلی سینهم کوردی بریاره دخی
 اوغرادى یعنی جفای چرخ غداره دخی
 قرداشم عبدالعزیز خان پادشاه عصر ایکن
 عدل و لطف و رحم ایله بر تاجدار دهر ایکن
 ایتدی ترک سلطنت با حکم تقدیر خدا
 صکره یوز کوستردی اما امر جلاد قضا
 ناکهان بر حال اولدی محشر دنیا کبی
 قالدی آل قانلر ایچنده شنیچه همرا کبی
 ماتم ایتدی آغلدی بو حالنه ارض و سما
 طوتدی دنیای فغان حسرتا وافرقتا
 خاندانی مادری اولادی افغان ایله
 حال اهل بیتنی بوغم پریشان ایله
 حق عدالت ایتدی کرچه دشمنی کوردی جزا
 اولدی اما عین احوال بلای کر بلا
 قره عین حبیب کبریالک عشقنه
 یعنی یاربی حسین کر بلانک عشقنه
 قبرین اول مرحوملرک باغ جنان ایله هان
 هر برینک دستگیری اوله هم فخر جهان
 جنت الفردوس ایچنده یونلر ایتدکجه صفا
 (عادلّه) محزونیه صبر جمیل ایله عطا

